

# 佛說能淨一切眼疾 病陀羅尼經

唐三藏沙門大廣智不空奉 詔譯



南無本師釋迦牟尼佛


## 說明

本繁體校正版《佛說能淨一切眼疾病陀羅尼經》電子書，根據《乾隆大藏經》宋元入藏諸大小乘經，第 0977 部，唐三藏沙門大廣智不空奉詔譯《佛說能淨一切眼疾病陀羅尼經》影印本校正，句讀僅供參考。

本電子書是免費結緣品，特此說明。

仁慧草堂

二〇一九年一月



掃碼關注仁慧草堂微信公眾號

## ●起誦儀

### 香讚

(一編)

爐香乍爇. 法界蒙薰. 諸佛海會悉遙聞. 隨處結  
祥雲. 誠意方殷. 諸佛現全身.

南無香雲蓋菩薩摩訶薩 (合掌三稱)

### 淨口業真言

(三編)

唵. 修唎. 修唎. 摩訶修唎. 修修唎. 薩婆訶.

### 淨三業真言

(三編)

唵. 娑嚩. 娑嚩秫馱. 娑嚩達摩娑嚩. 娑嚩秫度憾.

### 安土地真言

(三編)

南無三滿多. 母馱喃. 唵. 度嚕度嚕. 地尾. 娑婆訶

### 普供養真言

(三編)

唵. 誚誚曩. 三婆嚩. 禡日囉斛.

南無本師釋迦牟尼佛（合掌三稱）

開經偈

（一編）

無上甚深微妙法 百千萬劫難遭遇  
我今見聞得受持 願解如來真實義

# 佛說能淨一切眼疾 病陀羅尼經<sup>1</sup>

唐三藏沙門大廣智不空奉詔譯<sup>2</sup>

如是我聞：

一時，薄伽梵住迦毗羅衛國，釋迦種族聚落。

爾時，有一釋種，住車尼摩迦聚落，於佛淨信，於法淨信，於僧淨信；歸依於佛，歸依於法，歸依於僧；不疑於佛，不疑於法，不疑於僧；盡心於佛，盡心於法，盡心於僧；決定於等覺勝趣。其人眼所見色相而不得見。

爾時，乞囉摩迦釋種憶念如來作是<sup>3</sup>言：「稽首佛世尊，智炬陀羅尼能作光明者，歸命善逝大悲者，護念攝受我，令我眼淨<sup>4</sup>。」

爾時，世尊超越世間耳眼，以天耳聞，以天眼見。爾時，世尊告阿難陀言：「汝往於釋種所，以此陀羅尼明加護，令淨其眼，令彼拔濟，令彼攝受，令彼長養，令彼結界，令彼眼無垢翳，得離疾病，廣令流布四部眾苾芻、苾芻尼、優婆塞、

<sup>1</sup> 大正藏：能淨一切眼疾病陀羅尼經

<sup>2</sup> 大正藏：開府儀同三司特進試鴻臚卿肅國公食邑三千戶賜紫贈司空謚大鑒正號大廣智大興善寺三藏沙門不空奉 詔譯

<sup>3</sup> 大正藏：如是；永樂北藏及龍藏：是

<sup>4</sup> 大正藏：清淨；永樂北藏及龍藏：淨

優婆夷，及餘有情。真言曰：

「怛你也<sup>二合</sup>佉<sup>引</sup>呬里<sup>二</sup>弭里<sup>三</sup>黎枳<sup>四</sup>呬里<sup>五</sup>係帝<sup>六</sup>  
護庾護庾<sup>七</sup>護也麼寧<sup>八</sup>護魯護魯<sup>九</sup>怒魯怒魯<sup>十</sup>娑嚩

<sup>二合</sup>訶<sup>引</sup><sup>十</sup>

「阿難陀，此陀羅尼明王，眼垢、風垢、黃病、痰病、三焦<sup>5</sup>病，我及某甲眼勿令痛，勿令流淚。以尸羅<sup>6</sup>實語，禁戒實語，以苦行實語，以諸仙實語，以緣生實語，苦實語、集實語、滅實語、道實語，辟支佛實語，我某甲願令眼清淨。七佛等覺已說，我釋迦牟尼、應供、正遍知今說，四大天王亦說，天帝釋亦說，娑訶世界主梵王亦說。阿難陀，我不見天世魔世沙門婆羅門趣，持此淨眼陀羅尼者，患眼翳膜浮暈，所謂令眼天作、龍作、藥叉作、羅刹作、羅刹女作、必舍支作、必舍支女作<sup>7</sup>、鳩槃荼作、鳩槃荼女作、起屍鬼作、人厭禱作、梵志厭禱作，無敢違越，無不應効。具壽阿難陀，汝今受此陀羅尼，將往釋種聚落，授與乞矚麼迦，傳我語，令晝三時、夜三時，誦持此陀羅尼。」

其阿難<sup>8</sup>至彼授與乞矚麼迦，乞矚麼迦纔聞

<sup>5</sup> 大正藏：集

<sup>6</sup> 大正藏：羅漢；永樂北藏及龍藏：尸羅

<sup>7</sup> 大正藏：必舍支女作；永樂北藏及龍藏：必舍支作、必舍支女作

<sup>8</sup> 大正藏：阿難陀；永樂北藏及龍藏：阿難

此陀羅尼已，其眼脈已淨，眼目得見，離一切諸垢。

爾時，世尊說是經已，天、人、阿修羅、乾闥婆等，聞佛所說，歡喜奉行。

佛說能淨一切眼疾病陀羅尼經

## ● 結誦儀

### 補闕真言

(三編)

南無喝囉怛那. 哆囉夜耶. 佉囉佉囉. 俱住俱住.  
摩囉摩囉. 虎囉. 吽. 賀賀. 蘇怛那. 吽. 潑抹拏. 娑婆訶.

### 補闕圓滿真言

(三編)

唵. 呼嚧呼嚧. 社曳穆契. 莎訶

### 普回向真言

(三編)

唵. 娑麼囉. 娑麼囉. 弭麼曩. 薩嚩訶. 摩訶斫迦囉  
嚩吽

南無佛 南無法 南無僧 (合掌三稱)

南無本師釋迦牟尼佛 (合掌三稱)

南無觀世音菩薩摩訶薩 (合掌三稱)

南無護法諸天菩薩 (合掌三稱)

## 禮佛發願文

(一編)

歸命十方調御師 演揚清淨微妙法  
三乘四果解脫僧 願賜慈悲哀攝受

但(某甲)自違真性，枉入迷流。隨生死以飄沉，逐色聲而貪染。十纏十使，積成有漏之因；六根六塵，妄作無邊之罪。迷淪苦海，深溺邪途。著我耽人，舉枉措直。累生業障，一切愆尤。仰三寶以慈悲，瀝一心而懺悔。

所願能仁拯拔，善友提攜。出煩惱之深源，到菩提之彼岸。此世福基命位，各願昌隆；來生智種靈苗，同希增秀。生逢中國，長遇明師。正信出家，童真入道。六根通利，三業純和。不染世緣，常修梵行。執持禁戒，塵業不侵。嚴護威



儀，蜻飛無損。不逢八難，不缺四緣。般若智以現前，菩提心而不退。修習正法，了悟大乘。開六度之行門，越三祇之劫海。建法幢於處處，破疑網於重重。降伏眾魔，紹隆三寶。承事十方諸佛，無有疲勞。修學一切法門，悉皆通達。廣作福慧，普利塵沙。得六種之神通，圓一生之佛果。然後不捨法界，遍入塵勞。等觀音之慈心，行普賢之願海。他方此界，逐類隨形。應現色身，演揚妙法。泥犁苦趣，餓鬼道中，或放大光明，或現諸神變，其有見我相，乃至聞我名，皆發菩提心，永出輪迴苦。火鑊冰河之地，變作香林；飲銅食鐵之徒，化生淨土。披毛戴角，負債含怨，盡罷辛酸，咸霑利樂。疾疫世而現為藥草，救療沉疴；饑饉時而化作稻粱，濟諸貧餒。但有利益，無不興崇。次期累世冤親，現存眷屬，出四生之汨沒，捨萬劫之愛纏。等與含生，齊成佛道。虛空有盡，我願無窮。情與無情，同圓種智。

## 迴向偈

(一編)

願以此功德 普及於一切  
我等與眾生 皆共成佛道

## 三皈依

(一編)

自皈依佛，當願眾生，體解大道，發無上心；  
自皈依法，當願眾生，深入經藏，智慧如海；自  
皈依僧，當願眾生，統理大眾，一切無礙。和南  
聖眾。



此咒置經書中可滅誤跨之罪

南无护法韦驮尊天菩萨

